

Fjöldi nýrra nemenda í cand. psych. námi takmarkast við töluna 12.

Val nemenda í ofangreindum greinum fer fram á grundvelli umsókna sem bárust félagsvísindadeild fyrir 1. apríl 2002. Umsóknir eru afgreiddar í samræmi við reglur félagsvísindadeildar sem birtar eru í kennsluskrá.

5. gr.

Gildistaka o.fl.

Reglur þessar sem háskólaráð hefur sett, að fengnum tillögum háskóladeilda og á grundvelli heimildar í 2. mgr. 13. gr. laga nr. 41/1999 um Háskóla Íslands, gilda fyrir háskólaárið 2002-2003.

Háskóla Íslands, 28. júní 2002.

Páll Skúlason.

Pórður Kristinsson.

REGLUR

um erfðafræðinefnd Háskóla Íslands.

1. gr.

Almennt.

Erfðafræðinefnd Háskóla Íslands er rannsóknar- og þjónustustofnun sem starfrækt er af Háskóla Íslands.

Stofnunin heyrir undir háskólaráð, og er meðal annars vettvangur þverfaglegs samstarfs á sviði erfðafræði.

2. gr.

Hlutverk.

Hlutverk erfðafræðinefndar er:

- a. að efla erfðafræðilegar rannsóknir sem unnið er að við Háskóla Íslands,
- b. að reka gagnabanka Háskóla Íslands um ættfræði,
- c. að sinna þjónustuverkefnum á sviði ætt- og erfðafræði og
- d. að stuðla að sterkum tengslum innan og utan Háskólans við atvinnu- og þjóðlíf.

3. gr.

Aðstaða.

Um starfsaðstöðu nefndarinnar og starfsmanna hennar fer eftir ákvörðunum háskóla- yfirvalda og samningum sem gerðir eru um samstarf á fræðasviðum nefndarinnar við Landspítala — háskólasjúkrahús og aðila utan Háskólans.

Nefndin veitir starfslíði sínu skv. 7. gr. aðstöðu og nauðsynlegan búnað til rannsókna eftir því sem unnt er.

4. gr.

Skipan nefndarinnar.

Háskólaráð skipar sjö menn til setu í erfðafræðinefnd til þriggja ára í senn. Einn nefndarmaður er skipaður skv. tilnefningu landlæknis, einn skv. tilnefningu hagstofustjóra og einn

skv. tilnefningu forstjóra Landspítala – háskólasjúkrahúss en aðrir nefndarmenn eru skipaðir án tilnefningar.

Nefndin kýs sér formann og varaformann úr þeim hópi sem háskólaráð skipar án tilnefningar. Jafnframt kýs nefndin sér ritara óháð tilnefningu. Formaður, varaformaður og ritari mynda þriggja manna framkvæmdastjórn undir forystu formanns. Umboð framkvæmdastjórnar ræðst af ákvörðun erfðafræðinefndar.

Sé ekki ráðinn forstöðumaður fyrir starfsemi nefndarinnar kemur formaður fram fyrir hennar hönd, annast daglegan rekstur hennar og framkvæmd á ákvörðunum sem nefndin hefur tekið.

5. gr.

Nefndarfundir.

Formaður nefndarinnar boðar nefndarfundi bréflega, eða í tölvupósti, með þriggja daga fyrirvara. Fundarboð skal greina dagskrá fundar.

Skylt er að boða nefndarfund óski tveir eða fleiri nefndarmenn þess. Sama gildir ef rektor ber fram slíka ósk og hefur þá hann, eða sá sem sækir fund í umboði hans, mál-frelsi og tillögurétt á fundinum.

Falli atkvæði jöfn á nefndarfundi ræður atkvæði formanns eða þess sem gegnir formannsstörfum.

Halda skal gerðabók nefndarinnar og skulu staðfestar fundargerðir færðar í hana. Afrit fundargerða skulu send rektor.

Sé ráðinn forstöðumaður fyrir starfsemi nefndarinnar situr hann nefndarfundi með mál-frelsi og tillögurétt, en án atkvæðisréttar.

6. gr.

Verkefni nefndarinnar.

Nefndin tekur allar stefnumarkandi ákvarðanir um störf sín, setur starfseminni rann-sóknarstefnu og veitir fé til einstakra rannsóknarverkefna. Þá ber nefndin ábyrgð á fjár-málum nefndarinnar gagnvart háskólaráði og samþykkir rekstrar- og fjárhagsáætlun. Nefndin sker úr í vafaatriðum sem upp kunna að koma og varða starfsemina.

7. gr.

Forstöðumaður og starfsmenn.

Heimilt er rektor, að fenginni tillögu nefndarinnar, að ráða forstöðumann fyrir starfsemi nefndarinnar. Rektor setur forstöðumanni erindisbréf. Skal sá sem ráðinn er forstöðumaður hafa háskólapróf.

Forstöðumaður annast daglegan rekstur nefndarinnar og sér um framkvæmd á þeim málum, sem nefndin felur honum.

Um ráðningu annars starfsfólks fer eftir ákvæðum sameiginlegra reglna fyrir Háskóla Íslands. Sé um að ræða ráðningu í starf, og ekki er gert ráð fyrir því starfsheiti í reglunum, fer nefndin eða forstöðumaður í umboði hennar með ráðningarmálið.

8. gr.

Fjármál.

Tekjur erfðafræðinefndar Háskóla Íslands eru eftirfarandi:

- a. fjárveitingar skv. ákvörðun háskólaráðs,
- b. framlag skv. samstarfssamningum við Landspítala – háskólasjúkrahús og aðila utan Háskólans,
- c. styrkir til einstakra verkefna,

- d. greiðslur fyrir þjónustustarfsemi byggðar á gjaldskrá nefndarinnar sem háskólaráð hefur staðfest,
- e. aðrar tekjur, t.d. gjafir og framlag úr ríkissjóði eftir því sem kveðið er á um í fjárlögum.

Reikningshald nefndarinnar skal vera hluti af reikningshaldi Háskólans.

Sé um að ræða útselda þjónustu, sem veitt er í samkeppni við einkaaðila, skal sú starfsemi fjárhagslega afmörkuð frá öðrum rekstri nefndarinnar og þess gætt að sá rekstur sé ekki niðurgreiddur með öðrum tekjum, í samræmi við ákvæði samkeppnislaga.

Um stjórnunar- og aðstöðugjald af sértekjum fer eftir ákvæðum 72. gr. sameiginlegra reglna fyrir Háskóla Íslands.

9. gr.

Reglur þessar, sem háskólaráð hefur sett á grundvelli heimildar í 2. mgr. 19. gr. laga nr. 41/1999 um Háskóla Íslands sbr. 26. gr. reglna nr. 458/2000 fyrir Háskóla Íslands, öðlast þegar gildi. Jafnframt falla úr gildi reglur settar af háskólaráði þann 9. júní 1966 um erfðafræðinefnd Háskóla Íslands.

Háskóla Íslands, 2. júlí 2002.

Páll Skúlason.

Þórður Kristinsson.

REGLUR

um Alþjóðamálastofnun Háskóla Íslands.

1. gr.

Almennt.

Alþjóðamálastofnun er rannsóknar-, fræðslu- og þjónustustofnun sem starfrækt er við Háskóla Íslands. Stofnunin heyrir undir háskólaráð og er meðal annars vettvangur þverfaglegs samstarfs á sviði alþjóðamála og smáríkjarannsóknna. Innan stofnunarinnar starfar Rannsóknasetur um smáríki, sbr. 3. gr.

Utanríkisráðuneytið, Samtök atvinnulífsins og Samtök iðnaðarins taka þátt í stjórn stofnunarinnar samkvæmt sérstökum samstarfssamningi sem staðfestur er af háskólaráði. Heimilt er að veita öðrum samtökum í atvinnulífi og opinberum aðilum aðild að samstarfssamningnum.

2. gr.

Hlutverk.

Hlutverk Alþjóðamálastofnunar er:

- a. að vinna þjónustuverkefni fyrir atvinnulíf og opinbera aðila,
- b. að auka samstarf milli fræðimanna, atvinnulífs og opinberra aðila á sviði alþjóðamála og vera meðal annars leiðandi í rannsóknum á smáríkjum,
- c. að vinna að rannsóknaverkefnum meðal annars í samstarfi við erlenda aðila,
- d. að treysta samvinnu milli samstarfsaðila í þágu þverfaglegs náms, efla skilning á